

中南軍政委員會
民族事務委員會
材料字第 55 號

資興縣志

書田珍藏



書田珍藏

資興縣志

興甯縣志卷之七

署興甯縣知縣郭樹馨原修
興甯縣知縣劉錫九纂修

學校志

上

古者建國君民教學爲先我

朝崇儒重道令天下府州縣皆立學董之以師儒頌之以詩書給之以廩餼無非欲士子有志於聖賢之道而不以科名聲利之習累其心也甯自建學以來代有聞人文章經濟彪炳史冊胡至今乃寂甚豈地之不效靈與抑學宮之失宜與

夫人貴自立耳苟能克自振拔當必有繼美前哲增光庠序者邑人士勉乎哉志學校

文廟附攷

舊稱先師殿明嘉靖九年從大學士張璁議改殿稱廟

歷代廟祀徽稱始末

粵自魯哀公十七年立廟孔子舊宅廟之建由來遠矣漢高帝十二年過魯祀以太牢遂爲祀典權興至安帝並及七十二弟子魏正始七年以顏淵配此配享從祀諸賢所自始晉武帝詔四時備祀元魏文成帝詔四仲月上丁釋奠此祀用仲月丁日之始也唐高祖詔國子學立周公孔子廟太宗

依房元齡議停周公祭而專祭孔子後更詔以左
邱明等二十二人配享孔廟開元八年司業李元
瓘請以四科閔子騫列享於二十二人士坐曾參
於其次宋神宗元豐七八年以孟子同顏子配食
先聖徽宗大觀元年詔躋子思子於祀列理宗淳
祐元年加周張二程與朱從祀度宗咸淳三年帝
釋菜於孔子以顏曾思孟配並升顓孫師於十哲
明初制以春秋上丁遣大臣祀以大牢至若歷代
褒崇漢平元年稱宣尼公比魏孝文稱文聖宣父
後周宣帝稱鄒國公隋文帝稱宣師尼父唐乾封

稱太師開元二十七年謚孔子文宣王宋咸平中
追謚爲至聖文宣王元復冠以大成又唐制先聖
與門弟子同服冕旒元亦如之至明嘉靖九年撤
塑像製木主去王號及大成文宣之稱而但稱至
聖先師孔子其四配稱復宗述亞聖某子十哲以
下及門弟子稱先賢某子左邱明以下稱先儒某
子凡一切公侯伯不宜復稱以混成周封爵之制
其禮始定國朝因之

興甯廟制攷

粵自南宋紹興中由舊縣徙治管子壕卽立學於

城西嘉定間知縣趙崇尹請於郡舉宜陽朱彬主

教郡守陳勳發錢五百貫市田爲養士資

按州志載嘉定

間郡守楊勳捐俸置買學田事並無陳勳

至紹定知縣王旦乃新廟宇

嘉熙間知縣郭夢升加修元至正六年知縣黃可

道繪塑聖像末年燬於兵明洪武初知縣杜堅復

新舊址嘉靖十五年西廡燬二十年署縣史載澤

並加修建萬厯十九年知縣方澄澈因規制狹小

與教諭張任教訓導周文衡移殿於明倫堂階卽

殿址作露臺坐向皆無攷四十三年冬知縣傅其

德又新建之作子午兼壬丙向崇禎十三年知縣

馬士達集邑紳士鼎建正殿暨戟門櫺星門定作
癸山丁向 國朝順治十二年知縣高燠率教諭
尤宏祚訓導尹暹建東西兩廡十五年知縣徐騰
建戟門櫺星門十六年教諭程達時率諸生建啟
聖祠康熙二年訓導龔逢聖率諸生建明倫堂俱
詳庠生胡謙學宮紀述十九年諸生棄舊更新作
子午兼癸丁四十二年知縣謝乃實捐貲改建先
師廟專作子山午向移置明倫堂於東隅卽殿舊
址作月臺改建兩廡各五楹戟門櫺星文昌魁星
祠皆以次修建因坐向未合著朝對畧言云當作

內外兩向雍正五年訓導楊而晉改復癸山丁向
眾心翕然科名頗盛知縣李廷樞修櫺星門乾隆
七年知縣蘇暢華教諭陳宗溥率紳士遷崇聖祠
於廟後建尊經閣於祠左移明倫堂於閣前十九
年知縣李允性教諭張增改建圍牆較舊制闊五
尺並東西兩坊爲東西向雍正五年訓導楊改作
南向乾隆四十八年知縣勵守訓教諭王世潤訓
導申佐鼎重修道光十二年知縣葉攀鱗率紳士
等通行改建按糧籌費經三年而工竣規模視舊
制爲閎敞越十八年知縣戴鴻恩闢泮池前屏牆

爲櫺星門以納遠秀

廟制

道光十二年建定

正中南向重檐八柱爲大成殿殿上懸

列聖御

書匾額殿前爲月臺臺之上甃以石欄臺下爲丹墀

中蟠螭首左右爲東西兩廡接兩廡東爲鐘樓西爲

鼓樓丹墀之前爲大成門

卽戟門

門左爲名宦祠前爲

禮門右爲鄉賢祠前爲義路戟門之下承以坦坪周

以垣牆正中植櫺星門門前鑿泮池度以虹橋扶以

石欄池前爲照牆東開騰蛟門額德配天地四字西

開起鳳門額道冠古今四字中豎門樓重檐四柱揭

文廟二字於上皆南向門之外周築圍牆疏以龜文
兩旁立柵門各東西向柵門之外各立下馬碑正
殿之後爲崇聖祠祠左爲尊經閣中奉 龍亭儀

仗閣前爲明倫堂堂前爲東齋教諭署鄉賢祠右爲

忠孝祠祠後爲西齋訓導署

附記廟前餘地一段北準翼宮牆南抵黃主事
宅後東西挾居民店房方廣數十丈城鄉小貿
搭立柵廠朝集暮虛喧囂雜還甚非翼序所宜
悉心文教者宜何如善全之又廟後餘地一段
南承廟檐北接官山東倚城壕岸街西連黃福
達牆界舊係曠土道光間邑侯葉振新文廟乃
大費工作繚以長垣培以佳木冀將厚蓄龍氣
幸至今鬱鬱蔥蔥蔚成名節之望畱百年之計
者其何忍坎

附舊制

時習日新二齋

各三

神廚三宰牲房

二

洗牲池

一口

俱在學東明洪武十五年

寇燬

敬一亭

在明倫堂

後明嘉靖五年

御製敬一箴

九年提學許魯宗檄各

州縣刻石建亭

十三年知縣封祖裔建

二十年典史

周乾重修後

桂月亭

在膳庠倉前

教諭汪膳庠倉

明

碑箴並缺

倫堂後

會饌堂

嘉靖五年知

道義門

在時習齋下

科

貢題名記

在戟門左天順間教諭李文撰

以上所列今已廢存之以備參考

匾額

康熙二十三年欽奉

御書萬世師表題額雍正三年欽奉

御書生民未有題額乾隆三年欽奉

御書與天地參題額嘉慶五年欽奉
御書聖集大成題額道光二年欽奉
御書聖協時中題額咸豐三年欽奉
御書德齊禱載題額同治三年欽奉
御書聖神天縱題額均懸正殿

康熙三十三年

御製

至聖先師孔子贊

并序

蓋自三才建而天地不居其功一中傳而聖人代
宣其蘊有行道之聖得位以綏猷有明道之聖立

言以垂憲此正學所以常明人心所以不泯也粵
稽往緒仰邇前徽堯舜禹湯文武達而在上兼君
師之寄行道之聖人也孔子不得位窮而在下秉
刪述之權明道之聖人也行道者勲業炳於一朝
明道者教思周乎百世堯舜文武之後不有孔子
則學術紛淆仁義湮塞斯道之失傳也久矣後之
人而欲探二帝三王之心法以爲治國平天下之
準其奚所取衷焉然則孔子之爲萬古一人也審
矣朕巡省東國謁祀闕里景企滋深敬摘筆而爲
之贊曰

清濁有氣剛柔有質聖人參之人極以立行著習察
舍道莫由惟皇建極惟后綏猷作君作師垂統萬古
曰惟堯舜禹湯文武五百餘歲至聖挺生聲金振玉
集厥大成序書刪詩定禮正樂既窮象繫亦嚴筆削
上紹往緒下示來型道不終晦秩然大經百家紛紜
殊途異趣日月無踰羹牆可晤孔子之道惟中與庸
此心此理千聖所同孔子之德仁義中正秉彝之好
根本天性庶幾夙夜勛哉令圖邇源洙泗景躅唐虞
載厯庭除式觀禮器摘毫仰贊心焉遐企百世而上
以聖爲歸百世而下以聖爲師非師夫子惟師於道

統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖
康熙二十五年七月初四日戶部尙書文華殿
大學士臣張玉書奉
勅敬書

顏子贊

聖道早聞天資獨粹約禮博文不遷不貳一善服膺
萬德來萃能化而齊其樂一致禮樂四代治法兼備
用行含藏王佐之器

曾子贊

洙泗之傳魯以得之一貫曰唯聖學在茲明德新民
止善爲期格致誠正均平以推至德要道百行所基
纂承統緒修明訓詞

子思子贊

於穆天命道之大原靜養動察庸德庸言以育萬物
以贊乾坤九經三重大法是存篤恭慎獨成德之門
卷之藏密擴之無垠

孟子贊

哲人既萎楊墨猖熾子輿闢之曰仁曰義性善獨闡
知言養氣道稱堯舜學屏功利煌煌七篇並垂六藝